

تۈرك بوردى، نىك بويىل آيو نىل شىبە انىلەرتە
نقىم ايدە بىكى رىزانە دىكتا بىلەك اسملىرى وىندىر جەزى
قىياغلك ايلگىچى، ارمىيى دورىجى صىفە لىمە باصلىمىدە

تۈرك بوردى

ناشرى : تۈرك بوردى

مدبرى : آق جورە اوغلى يوسف

يىل ۱۳۳۲ ۱۰ صايى ۷ ۲ حىزان ۱۳۳۲ يىل ۵ جلد ۱۰ صايى ۱۱۱

دمت لر حالده ملتہ تقدیم ده ایتدی. یوقاریکی ملاحظه لریمیزی کندیمزه یولداش ایتک شرطیله، کله جک مقاله لریمیزده بو رساله لر دن بحث ایدم جکیز .

ییتمدی

ارغالی نوقتاسی

بو یوک حکایه

بابر خان

مهری: فلور آناسیل

مترجمی: خالره اربیب

باشی ییل ۳ - جلد ۶ - سای ۹ دمدور

بابر اولری طبعی آچیق وقاریله قارشیلادی. یوز قرق سنه دن زیاده سمرقند، اجدادینه پایتختک ایتشدی. نهایت بر یبانجی کلش، حق سزجه شهره صاحب اولمشدی. فقط قادر مطلق اولان الله اونک یغما ایدلمش ویران شهرینی کندیسنه اعاده ایتشدی. اونی شیمدی اعمار ایدم جکدی. ایسته دیکی کبی اعمار ایتدی. اون طقوز یاشنده بولنیوردی. واوغلنک دوغمه سی ده یاقلاشمشدی. هرشی بو تخت وارندن اول حاضر لانیلیدی.

ایکی آی حاضرلق وتبریکلرله کچدی. قلنجی قدر قوتلی اولان قلمی ایله بابر اطرافنده کی رؤسایه، خانلره نهایتسز مکتوبلر یازیور، اولره کندی دوستلغی وعد ایدیور و اولردن عینی شیلر طلب ایدم یوردی. بونلر کول قوقولی آلتون ایشلمه لی طور بارده کیده یور، فقط کیتدیکی قدر جواب گله یوردی. صاحبوروشنلرک قیمتی آکلامیان موغولستان، شیبانی خان کبی قورناز بر دشمنی شاشیرتان بو کنج قوماندانک بر عرض حالجی کبی مکتوب یازمغه اهمیت ویرمه سنه حیرت ایدم یورلردی.

فقط کنج خانه قلبی یک صاف بر سونجمله دولدوران بر جواب کلدی، بو خوراسانده کی علی شیردندی، هر گله سی بر حظ، ابتدا سندن انتھاسنه قدر بر ذوق اولان بر مکتوب! کنج خان بوکا جسارتله جواب ویردی. حتی بر ایکی مصراع بیله تنظیم ایتدی که یک فنا دکلدی. آرتق دماغی ده وجودی کبی تکامل ایدم یوردی.

هرشی بر دوکون شطارتیله دوام ایدوب دور یوردی. بو یوک آنه سی، آنه سی، بکله نیلس ولی عهدک آنه سی آندیجاندن کلدیلر و حکمدارلرک دوغوب اولدیکی یشیل سرایه ایندر یلدیلر. اک سوکیلی بیاض اثوابلریله کلدی. اک سوکیلی تیزه اولاجقدی. بابرک هر ماتم وضیافده بولتان بر جوق تیزه سی واردی. جغتایلرده شرفلی بر موقع عد ایدیلردی.

بر کون کندیسنی قادینلر دائره سنک بالقونندن امله آیه باقار بولدی. قوشان آیاقلر، فیصیلدیلر ساعتلردنبری دوام ایدم یوردی. نهایت بر چفت آیاق کچمده دی، دوردی.

آنه سی سنی یاشلرله دولو:

— بر قیز، سفیل بر قیز، دیوردی، عایشه بونی ناصل ییابیلدی، هیچ عفو ایدیلر بر قصور دکل.

احسان الدوله،

— فضله سویله میلم، دیدی، بر قادین کندی قدرینی تنزیل ایدنجه، تقدیر آز اوندن بحث ایدیلیرسه او قدر ایی در. سکا داها ایی وظیفه سنی بیلیر بر قادین آلیرز.
اک سوکیلی نك یوزی تماماً صارقشدی. بابر،

— بر قیزی؟ دیدی، صوکر ا حرارتله علاوه ایتدی:

— کورمیه میمی؟ آنه جکم. بنم هر حاله ایلک چوجم.

باموقلی یه صاریلن چیلاق یکی دو غمش بر چوجق کوستردیلر. بابر متفکر بر جهره ایله،
— چوق زمان اول دو غمش کی اختیار کورونیور، دیدی. صوکر ا قوتلی کنج اللریله کوچک صیتی پارماقلره دوقتدی.

— کوچک صولایجان بکزه یور، دیدی وکنج نشه لی قهقهه سیله کولدی، کولدی. بنم قیزم فنا دکل. اونک آدینی ظفرالنسا قویه جفم.

هر کون مطلق بر آراق حرمة کیدوب قیزینه بر باقیوردی.

فقط بر آی صوکر ا ظفرالنسا آلهک رحمتنه قاووشدی.

او ایلک چوجنی ایدی و بابرده او زمان اون طقوز یاشنده ایدی.

سکزنجی باب

«بر لحظه تأخر — بیابان قویوسندن بر لحظه حیاتی ایچمک! — صوکر ا هیات! خیال اولان کروان حرکت ایتدی
هیچکله مان واصل اولور. — «هر خیام»

قدر بابرک حیاته بر تأخر آتی یامیشدی. سمرقند پادشاهی صفتیله اطرافنه بر سرای، وانیدیچاندن
یک باشقه بر روح ایله یکی مدرسه لر اطرافنی آلمشدی. بو خلق کتندینی قلنجدن و قالقاندن یک
اوزاق شیلرله اشغال ایدم یوردی.

شاعر منلا بنائی سسنی ساخته تواضی ایله تترده رک،

— ایشته خانک مشعشع ظفرینه شو عاجز کله لرله بر تاریخ بولاییلدم، دیوردی:

«سویله روحم دیورم فاتح بهادر بابرک فتح کوتی»

او ریاکار و مدافعه کار سرای ارکانی آراسنده بو فنا شعر یک کوزل عد ایدیلوردی.

ساده هر زمان آجیق اولان قاسم یک دیدی که:

— اکر دوغرو ایسه یک اعلا، فقط اونی ده یالکز الله بیلیر. سن بویوک محاربه لری نقطه لرله

حفظ ایدیورسک، بنده قلیجکم ازرنده کی کسیکلرله»